



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Ráðning í stöðu leikskólastjóra í Fífuborg

Starf leikskólastjóra í Fífuborg var auglýst á vegum Reykjavíkurborgar til umsóknar á vef borgarinnar undir auglýsingum um laus störf og í Fréttablaðinu 26. október 2019 í samræmi við 2. gr. í fylgiskjali 4, um réttindi og skyldur starfsmanna Reykjavíkurborgar í kjarasamningi LN og KÍ vegna FSL. Umsóknarfrestur var til og með 11. nóvember 2019. Ráðið verður í leikskólastjórstöðuna frá og með 10. janúar 2020.

Í auglýsingu var meginhlutverki leikskólastjóra í Fífuborg lýst þannig:

- Vera faglegur leiðtogi leikskólans og móta framtíðarstefnu hans innan ramma laga, reglugerða, aðalnámskrár og stefnu Reykjavíkurborgar.
- Bera ábyrgð á daglegu starfi í leikskólanum.
- Skipuleggja foreldrasamstarf í samvinnu við foreldra og starfsmenn.
- Hafa yfirumsjón með innra mati á starfi leikskólans og umbótaáætunum.
- Hvetja til þróunar og nýbreytni í leikskólastarfi.
- Stýra rekstri leikskólans á grundvelli fjárhagsáætlunar.
- Bera ábyrgð á starfsmannamálum, svo sem ráðningum, vinnutilhögun og starfsþróun.
- Skipuleggja tengsl skólans við ýmsa samstarfsaðila.

Í auglýsingu um starfið voru eftirfarandi menntunar- og hæfniskröfur gerðar til umsækjenda:

- Leikskólakennaramenntun og leyfisbréf leikskólakennara.
- Viðbótarmenntun í stjórnun eða kennslureynsla á leikskólastigi.
- Reynsla af stjórnun æskileg.
- Stjórnunarhæfileikar og vilji til að leita nýrra leiða.
- Þekking á rekstri, áætlanagerð og fjármálastjórnun.
- Lipurð og hæfni í samskiptum.
- Sjálfstæði og frumkvæði.

Óskað var eftir að umsækjendur skiluðu greinargerð um framtíðarsýn sína á starf í leikskólanum með umsókninni.

Tveir sóttu um leikskólastjórastöðuna. Umsækjendur eru Helga Sigurðardóttir og Hólmfríður Bjargey Hannesdóttir.

Niðurstaða:

Þann 29. nóvember 2019 gerði skrifstofustjóri fagskrifstofu leikskólamála sviðsstjóra grein fyrir niðurstöðu ráðningarteymisins. Við mat á umsókn, ráðningarviðtali og umsögnum var niðurstaðan að Helga Sigurðardóttir væri hæfust til að gegna stöðu leikskólastjóra í Fífuborg.

Ákvörðun sviðsstjóra er að ráða Helgu Sigurðardóttur leikskólastjóra við leikskólann Fífuborg frá 10. janúar 2020.

Helga lauk B.Ed. í leikskólakennarafræðum frá Háskóla Íslands 2005. Hún tók eins árs forkröfunám í talmeinafræði frá Háskóla Íslands 2012 og lauk MA í uppeldis- og menntunarfræði með áherslu á þroska, mál og læsi frá Háskóla Íslands 2014. Helga hefur starfað sem deildarstjóri í 10 ár, sem sérkennslustjóri í eitt ár og sem aðstoðarleikskólastjóri í 4 ár. Helga hefur góða reynslu sem stjórnandi í leikskóla og hefur sýnt mikið frumkvæði og faglegan metnað í störfum sínum. Helga hefur innleitt þróunarverkefni og nýjungar í leikskólastarfi og hæfni hennar og stjórnunarhæfileikar er staðfest af umsagnaraðilum.